

**Nunat Aqqinik Aalajangiisartut  
ataasinngorneq apriliip aqqarnganni 2016-imi  
Ilimmarfimmi ataatsimiinnerat**


**Peqataasut.:** Karl Elias Olsen, Bolatta Vahl, Jens Danielsen (oqarasuaatikkut malinnaavoq),  
Kirstine Kreutzmann.

**Peqataannngitsut:** Marianne Petersen feeriarluni angalanini pissutigalugu.

Allatsi: Lisathe Møller Kruse

Oqaluuserisat makkuupput:

1. Atuakkami siuleqatussuagut angakkuligartalissuarmi nunat aqqi pillugit Karl Elias Olsenip oqaatigiumasai
2. Kangaamiut eqqaanni nunat aqqi nalunaarsorlugit katersukkat
3. Inoqarfiit agguataarneri taaguutaalu eqqartorlugit naliliiffigineri. Nuna Tamakkerlugu Pilersaarusiortarnermut Immikkoortortaqarfiup saaffiginnissutaa
4. Taasariaqartut allat



## 1. pillugu –

Atuakkami Siuleqatussuagut angakkuligartalissuarmi nunat aqqi pillugit Karl Elias Olsenip oqaatigumasai Nunat Aqqinik Aalajangiisartunit eqqartorneqarput. Karl Elias Olsenip siunnersuutigivaa atuagaq pineqartoq Nunat Aqqinik Aalajangiisartunit Oqaasiliortunillu ataatsimut eqqartorneqartariaqartoq. Taamatut siunnersuuteqarnerminut peqqutigivaa atuagaq oqaatsinik allanartunik paasiuminaatsunillu ilaqartitermat, kiisalu nunat aqqi ilumut eqqortut atorsimanerai paaserusunnarmat.

Bolatta Vahlip isumaqatiginngilaa atuakkami imarineqartut oqaatsit nunallu aqqi ataatsimut sammineqarnissai, siunnersuutigalugulu nunat aqqi immikkut oqaatsillu immikkut eqqartorneqarlunillu naliliivigineqartariaqartut.


Nunat Aqqinik Aalajangiisartut eqqartuingaatsiareerlutik aalajangerpaat nunat aqqi atuakkamiittut pillugit NAA-mi ilaasortat tulliani ataatsimiilerunik eqqartuissasut, oqaatsillu eqqumiiginartut Karl Elias Olsenip apeqqusernatillugit paaserusutai qaqqinneqassasut Oqaasiliortunut ingerlateqqitassatut. NAA-mi ilaasortat siunnersuutigivaat atuakkamik Siuleqatussuagut angakkuligartalissuarmik pisissunneqarnissartik. NAA-mi allatsip Oqaasileriffiup ningiuanut paasiniaassalluni neriorsuivoq.

## 2. pillugu –

Kangaamiut eqqaanni nunat aqqi marsip ingerlanerani Kirstine Kreutzmannimit nalunaarsorneqarlutillu katersorneqarsimasut eqqartorneqarput.

Nunat aqqi nunat aqqinik nalunaarsuiffimmi sulii nalunaarsugaatigineqalersimanngitsut Kirstinimit katersorneqarlutik nalunaarsugaatigineqaleqqammersut Nunallu Aqqinik Aalajangiisartunit akuerineqartut ataani takuneqarsinnaapput:


<i>Ny_grønlandsk</i>	<i>Genstand</i>	<i>Kilde</i>	<i>Kommune</i>	<i>Oprettelsesdato</i>	<i>Senest_rettet</i>
<b>Aallaaniarfik</b>	SUND	Barnabas Larsen	Maniitsoq	20160326	20160326
<b>Ammaqoq</b>	SUND	Barnabas Larsen	Maniitsoq	20160331	20160331
<b>Aarsinaaliorfik</b>	FJESÅ	Barnabas Larsen	Maniitsoq	20160331	20160331
<b>Miagguu</b>	FJOB	Barnabas Larsen	Maniitsoq	20160331	20160331



<b>Tuttutooq</b>	LANDA	Samuel Kreutzmann	Maniitsoq	20160402	20160402
<b>Timaa</b>	BUGT	Samuel Kreutzmann	Maniitsoq	20160402	20160402
<b>Halmap Ikkarliffia</b>	SLET	Samuel Kreutzmann	Maniitsoq	20160402	20160402
<b>Tissernajuitsup Sermia</b>	BRÆ	Samuel Kreutzmann	Maniitsoq	20160402	20160402
<b>Kuussuup Kitaatungeralaa</b>	KYST	Barnabas Larsen	Maniitsoq	20160402	20160402
<b>Qaqqatsaap Kangia</b>	KYST	Barnabas Larsen	Maniitsoq	20160402	20160402
<b>Nuuk Qaqortoq</b>	NÆS	Barnabas Larsen	Maniitsoq	20160402	20160402
<b>Naqinneq</b>	ELVMU	Samuel Kreutzmann	Maniitsoq	20160402	20160402
<b>Ammalortoq</b>	SØ	Barnabas Larsen	Maniitsoq	20160402	20160402
<b>Naqinnerata Tasia</b>	SØ		Sisimiut	20160402	20160402
<b>Tasia</b>	SØ	SK	Sisimiut	20160402	20160402

Nunat aqqi nunat aqqinik nalunaarsuiffimmi nalunaarsugaatigineqareersut nunallu aqqinik ilisimasalimmit naqqiissutigineqartut Nunat Aqqinik Aalajangiisartunit allannguutaat akuerineqarput. Allannguutit akuersissutigineqartut ataani takuneqarsinnaapput:


<i>Ny_grønlandsk</i>	<i>Akuerisatut atuutsinneqalersoq</i>	<i>Genstand</i>
Iviit, Ivissuit	Ivissuit	LANDA, NÆS
Assaat (EO), Assat (Kang. avis), Assaat (BL)	Assaat	PYNT, TELTP
Qerrortusup Karrarlalaa (Kang. avis, EO), Qarralalaa	Qerrortusup Karrarlalaa	Ø
Qerrortusup Saqqarlalaa (EO), Saqqarlalaa (BL)	Qerrortusup Saqqarlalaa	Ø
Itilleq, Itissaaq (Kang. avis+SK)	Itissaaq	BUGT
Tatsip Panersiivia (K), Tatsip Ataata Panersiivia (SK)	Tatsip Ataata Panersiivia	NÆS



Isersiugaatsiaat (EO), Isersiugaatsaat (SK)	<b>Isersiugaatsaat</b>	NÆS
Naqinnera, Nakkajangap Naqinnera (kang. avis), Nak	<b>Nakajangap Naqinnera</b>	DAL
Nakkajanga, Nakajanga (Kang. Avis+EO)	<b>Nakajanga</b>	DAL
Sallinngua, Saarlunngua	<b>Saarlunngua</b>	Ø
Tarniliisortoq(K), Tarniliisartoq (SK)	<b>Tarniliisartoq</b>	ELV
Igimassap Kangerlussuatsiaa (K), Igimassap kangerlua (SK)	<b>Igimassap Kangerlua</b>	FJORD
Qeqertaasap Tunua (EO), Kangerluk (SK)	<b>Kangerluk</b>	VIG
Qogaat, Qoqaat (Kang. avis, EO)	<b>Qoqaat</b>	FJOB
Sarfartuup Nuussua, Sarfartup Nuussua (Kang. avis), Nuussuaq (SK)	<b>Sarfartup Nuussua</b>	NÆS
Qeqertat Killiit (EO), Issingasut (BL)	<b>Issingasut</b>	Ø
Narsap Kuua (EO), Kuussuaq (BL)	<b>Kuussuaq</b>	ELV
Saattuatsiaat (EO), Saattuatsaat (BL)	<b>Saattuatsaat</b>	Ø

Nunat aqqi nunat aqqinik ilisimasalimmit upernaq manna Kirstinep Kangaamiuniinnerani naqqiissutigineqarsimasut Nunat Aqqinik Aalajangiisartulli aalajangiivigineqanngikkallartut ataani takuneqarsinnaapput:

<b><i>Ny_grønlandsk</i></b>	<b><i>Apeqqutigineqartussat</i></b>	<b><i>Genstand</i></b>
Inussullaat, Inussullaat (Kang. avis), Inussullat	Uppernarsatissaaq sorliunersoq paasiniarlugu.	ØER
Tinuteqisaap Nunaa, Nunarsuaq (Kang. avis, EO) Tinitoqisaaq (SK)	Tinitoqisaajusimappat qanoq isumaqarnersoq paasiniarneqassaaq.	Ø
Qallunnguit (K), Qallunngit (SK)	Sorleq eqqornersoq paasiniarneqassaaq, Qallunngillu qanoq isumaqarnersoq.	DIAB
Narsaatsialik (EO), Narsatsaalik (BL)	Sorleq eqqornersoq paasiniarneqassaaq, kiisalu Narsatsaaliunersoq Narsaatsaaliunersorluunniit paasiniarneqassalluni.	KYST



Naanngisat, Naangissat	Sorleq eqqornersoq paasinierneqassaaq, qanorlu isumaqarnersoq.	KYST?, Ø
Kangingusaata Nuua (EO), Kanginnguusaa (Kang. avis+SM)	Sorleq eqqornersoq paasinierneqassaaq. Qaqqaq nuuttaatalu aqqi sorliunersut paasinierneqassapput.	NÆS

Ilanngullugu Oqaasileriffiup ningiuanut apeqqutigineqassaaq Jens Kreutzmannip atuakkiaa *Fortællinger og akvariller* Oqaasileriffiup pisiarisinnaannginneraa. Kangaamiut eqqaanni nunat aqqisa oqaluttuassartaat tassaniimmata pigineqartariaqartoq Nunat Aqqinik Aalajangiisartut isumaqarput.

### 3. pillugu –

Namminersorlutik Oqartussat allaffeqarfiisa ilaata Nuna Tamakkerlugu Pilersaarusiornermut Immikkoortortaqaqriup saaffiginnissutigaa Kalaallit Nunaanni inoqarfiit agguataarnerisa taaguutissaannut tunngasoq.

Nunat Aqqinik Aalajangiisartut ataatsimiinnginneranni Oqaasileriffik siunnersuutaasinnaasumik suliaqarpoq. Nunat Aqqinik Aalajangiisartut eqqartuereerlutik aalajangerpaat suliassaq suli misissugassartaqangaatsiarmat uani ataatsimiinnermi aalajangiivigisinnaanagu. Tulliani ataatsimiinnissaannut maajip pingajuata tungaanut piareersarneq ingerlanneqassaaq, ataatsimiinnermilu tassani aalajangiivigineqassalluni.

### 4. pillugu –

Aalajangiunneqarpoq NAA-mi ilaasortat tulliani maajip pingajuanni kl. 10 ataatsimiikkumaarlutik.

-----  
Karl Elias Olsen  
Siulittaasoq

Lisathe M. Kruse  
Allatsi